

Broj: 02-37-3155/17
Sarajevo, 29.05.2017.godine

VLADA FEDERACIJE BOSNE I HERCEGOVINE
n/p Tajnik Vlade

PARLAMENT FEDERACIJE BOSNE I HERCEGOVINE
DOM NARODA

Kabinet sekretara/Ured tajnika

SVIMA

PREDMET: Zastupnička inicijativa; odgovor, *dostavlja se -*

Poštovane/i,

Delegat u Domu naroda Parlamenta Federacije BiH Refik Poparić, na 21. sjednici Doma naroda, održanoj 27.04.2017.godine podnio je Inicijativu za provedbu, odnosno implementaciju članka 5. Zakona o osnivanju Instituta za medicinsko vještačenje zdravstvenog stanja („Službene novine Federacije Bosne i Hercegovine“ br. 70/07 i 26/14).

U predmetnoj inicijativi navodi se da je člankom 1. citiranog Zakona propisano osnivanje ustanove za medicinsko vještačenje u Federaciji BiH, utvrđena djelatnost, postupak medicinskog vještačenja, međusobni odnosi sa korisnicima usluga i druga pitanja u svezi medicinskog vještačenja u oblasti penzijskog, invalidskog osiguranja, socijalne zaštite, dječije invalidske zaštite, obrane i drugih oblasti. Nadalje, navodi se da je člankom 5. navedenog Zakona propisano da Institut ima odjeljenja za prvostupanjski postupak medicinskog vještačenja u Bihaću, Mostaru, Sarajevu, Tuzli, Zenici, Travniku, Ljubuškom i Livnu, a da se prema potrebi može imati odjeljenje i u drugim mjestima što se bliže određuje pravilima Instituta.

Vežano za naprijed navedeno Federalno ministarstvo zdravstva želi ukazari na sljedeće:

Institut za medicinsko vještačenje zdravstvenog stanja je ustanova osnovana Zakonom o osnivanju Instituta za medicinsko vještačenje zdravstvenog stanja i ima svojstvo pravne osobe, te se na utemeljenje, registraciju i pitanja koja se odnose na rad Instituta primjenjuju propisi o ustanovama, ako navedenim Zakonom nije drukčije određeno.

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno:	02-06-2017		
Org. jed.	Broj	Priloga	Vrijednost
05/2-	02-	203	17

Pravila Instituta, kao i opće akte Instituta donosi Upravni odbor Instituta, sukladno Zakonu.

Imajući u vidu navedeno, te propise iz oblasti zdravstva, Institut, kao ustanova za medicinsko vještačenje zdravstvenog stanja, osnovana posebnim zakonom nije zdravstvena ustanova u smislu propisa iz oblasti zdravstva u Federaciji BiH. Shodno tome odluke u svezi s organiziranjem i poslovanjem ovog Instituta nisu pitanja u nadležnosti Federalnog ministarstva zdravstva.

Iz naprijed navedenih razloga, ministarstvo je dostavljenu inicijativu uputilo na očitovanje Institutu. Odgovor Instituta dostavljamo u prilogu ovog akta.

S poštovanjem,

SEKRETAR

Snježana Bodnaruk

DOSTAVLJENO:

- Naslov
- a/a

PRIVITAK

- kao u tekstu

Bosna i Hercegovina
Federacija Bosne i Hercegovine
Institut za medicinsko vještačenje zdravstvenog stanja
SARAJEVO
UL. Branislava Đurđeva br. 12.

Broj: 01-550/17
Sarajevo, 18.05.2017.godine

Bosna i Hercegovina
Federacija Bosne i Hercegovine
MINISTARSTVO ZDRAVSTVA
Maršala Tita 9
71 000 Sarajevo

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno:	02.06.2017.		
Org. jed.	Broj	Priloga	Vrijednost

Veza: Vaš broj 02-37-3155/17 od 12.05.2017.godine

PREDMET: Odgovor na podnesenu inicijativu delegata u Domu naroda Parlamenta
Federacije BiH , **dostavlja se**

Poštovani.

Institut za medicinsko vještačenje zdravstvenog stanja (u daljnjem tekstu - Institut) osnovan je Zakonom o osnivanju Instituta za medicinsko vještačenje zdravstvenog stanja (Službene novine FBiH broj 70/07 i 36/14).

Od dana osnivanja do danas Institut je formirao i ima formirana odjeljenja za prvostupanjski postupak u Sarajevu, Mostaru, Tuzli, Zenici, Livnu i Bihaću i Odjeljenje za drugostupanjski postupak u Sarajevu, koje po potrebi organizuje svoj radu u Bihaću i na drugim lokalitetima gdje već postoje formirana prvostupanjska odjeljenja.

Do današnjeg dana Institut nije riješio pitanje poslovnog prostora u kome se nalazi sjedište samog Instituta (Branislava Đurđeva 12 Sarajevo) i gdje radi odjeljenje za prvostupanjski postupak u Sarajevu i odjeljenje za drugostupanjski postupak, te djeluje u prostoru koji je sporan i na koga polaže pravo Klinički centar Univerziteta u Sarajevu.

I pored svih uloženi napor, Institut do danas nije uspio riješiti prostor, opremu i kadrove za već formirana odjeljenja. Tako, od osnivanja odjeljenja u Bihaću do danas, nije riješen problem poslovnog prostora i odjeljenje radi u iznajmljenom prostoru koji se nalazi u privatnom objektu. Trenutno u ovom odjeljenju radi samo jedan uposlenik jer su dva ljekara, koja su radila u istom, otišla u mirovinu, a iz poznatih razloga o ograničavanju zapošljavanja u federalnim ustanovama Institut nije u mogućnosti primiti nove liječnike, te poslove medicinskog vještačenja u ovome odjeljenju obavljaju liječnici iz ostalih odjeljenja.

Poslovni prostor u odjeljenju za prvostupanjski postupak u Mostaru je potpuno neuvjetan i zahtjeva nužno rješavanje, a ista situacija je sa odjeljenjem za prvostupanjski postupak u Zenici. Institut ima adekvatno riješen poslovni prostor za odjeljenja za prvostupanjski postupak u Tuzli i u Livnu.

Pored navedenih problema za formiranje odjeljenja predviđenih Zakonom o osnivanju Instituta za medicinsko vještačenje zdravstvenog stanja, upitna je njihova ekonomska opravdanost, a zbog malog broja zahtjeva za medicinsko vještačenje zdravstvenog stanja koji je u pojedinim odjeljenjima tako nizak (npr. odjeljenje za prvostupanjski postupak u Livnu ima na mjesečnom nivou cca. 100 predmeta) da ne ispunjava mjesečnu normu za jednog liječnika vještaka, pa je veoma teško ovo i slična odjeljenja održavati imajući u vidu činjenicu da Institut svoje prihode ostvaruje isključivo na bazi urađenog posla bez korištenja proračunskih sredstava na bilo kojem nivou.

Formiranje novih odjeljenja za prvostupanjski postupak medicinskog vještačenja u Travniku, Orašju, Ljubuškom i Goraždu i odjeljenja za drugostupanjski postupak u Mostaru, Tuzli i Bihaću zahtjeva velika finansijska sredstva, kako u pogledu poslovnih prostora i opreme, tako i u pogledu prijema većeg broja novih kadrova – prvenstveno liječnika (ali i ostalog administrativnog i pomoćnog osoblja), koji bi i tim odjeljenjima obavljali poslove medicinskog vještačenja zdravstvenog stanja, a što nije izvodljivo u sadašnjem trenutku. Ovakvi problemi se neće moći riješiti bez znatne pomoći Vlade Federacije BiH.

S poštovanjem.



DIREKTOR:

Ivo Šandrk

prim. dr. Ivo Šandrk